

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

Nanortalimmi elevhjemmip inaarlugu sananeqarnissaanut atatillugu suliariumannittussarsiuussineq sumut killippa?

(Anders Olsen, Inatsisartuni ilaasorta, Siumut)

Tungavilersuut:

Nanortalimmi elevhjemmip nutaap sananeqarnera pillugu Naalakkersuisunut apeqquuteqaatima ulloq 4. juli 2013 akissuteqarfigineqarnerani erserpoq pineqartoq naammasillugu suliarineqarnissaa naatsorsuutigineqartoq ukioq manna novemberip aallartinnerani.

Tassalu qaammatit sisamaanngitsulluunniit qaangiuppata.

Pineqartumut sanaartorneq maanna unittooqasutut isikkoqarpoq.

Taamaattumillu siullermik apeqquuteqarninnut atatillugu akissutigineqartup, tassalu kantiinataata suliarineqarnera novemberip aallartinnerani naammasissangatinneqartup suliariumannittussarsiuunnera sumut killinnersoq paaserusunnarpoq, tassami Naalakkersuisut sanaartornerup novemberip aallartinnerani naammasissangatikkunikku suliariumannittussarsiuussinerup sumut killinnera aamma ilisimaarissagamikku.

Nanortalimmi elevhjemmip inaarlugu suliarineqarnissaanut atatillugu apeqquuteqaateqartutut naatsorsuutigaaara kantiinap nutarsarneqarneranut kiisalu elevhjemmitoqaasimasup isaterneqarnissaanut sanaartorneq kingulleq pissasoq.

Apeqquuteqaatima ullut suliffiusut qulit iluanni akineqareersimanissaa kissaatigaara.